

## 五修族谱赞

国家有史，地方有志，家族有谱。史因朝代，志以地域，谱聚血缘。夫族谱者，乃寻根溯源、敬宗尊祖、别亲疏、序昭穆、继往开来之典籍也，实有弘扬传统文化、促进和睦团结之功哉。参天之大木，必有其根，怀山之水，必有其源。木本水源，诚不可忘也。草木祖根，山祖昆仑，江河祖海，修撰族谱，铭先祖之光辉，序各房之世系，记乡贤之事迹，倡统一之派语，正本清源，敬祖谊宗，敦睦乡亲，团结族人，功不可没，善莫大焉。乃功在当代、恩泽后世、传承延续、永载千秋之大事。曹氏一族，源于黄帝，姬姓之后。数千年来，支派繁多，源流不一。邵陵曹氏，先祖信公，源自浙江，迁徙邵陵，已六百余载。承先祖之余荫，开后世之支脉，嗣孙现已遍布三湘四水，房派甚繁，人口众多。金镇嗣孙，居板栗山，瓜瓞延绵，人文代起，亦百余众矣。商界精英、政界名流、学界骄子、社会贤达，不胜枚举。族中贤士，爱齐小刚诸君，恐房派之轶宗，惧子孙之失序，倡议五修族谱，传播先祖历

史，教育子孙后代。此举顺天时，应民心，一呼百应，紧从者众。理事会成员勤勉谨慎，四处奔波，宣传发动，任劳任怨。编委会成员近搜远采，钩沉发微，取精去粗。财务组成员精打细算，建章立制，账目清晰，开支合理。更赖诸贤达慷慨解囊，共襄盛举。正所谓举众人之力，图百世之业。谱之既成，行将付梓。俾子孙知祖之自始，且知一本万株之义，后嗣当继承续之。

信公十九世孙朝顺字顺民谨撰

癸卯岁仲夏之月